

**PROGRAM SINERGI LABUANFM E-WASTE “GO GREEN” ANJURAN JABATAN
PENYIARAN WP LABUAN
BICARA EKSKLUSIF**

2 Ogos 2023

9.15 pagi

Dj : Baby & Fiass

Tetamu : En. Yaras bin Yusup, Pengarah Jabatan Alam Sekitar WP Labuan

Soalan	Jawapan
<p>1. Boleh jelaskan apa itu e-waste dan kepentingannya?</p>	<p>Di Malaysia, e-waste dikategorikan sebagai buangan terjadual dengan kod SW110 di bawah Jadual Pertama, Peraturan-Peraturan Kualiti Alam Sekeliling (Buangan Terjadual) 2005, Akta Kualiti Alam Sekeliling 1974 yang dikuatkuasakan oleh Jabatan Alam Sekitar.</p> <p>Barangan elektronik yang telah rosak yang mana penajaan e-waste ini terbahagi kepada 2 jenis punca iaitu daripada sektor industri dan yang dihasilkan daripada isi rumah.</p>
<p>2. E-waste merupakan buangan terjadual yang semestinya membawa kesan buruk. Oleh itu, apakah contoh-contoh barang dikategorikan sbg e-waste?</p>	<p>E-waste merupakan barangan elektrik dan elektronik yang telah rosak, tidak berfungsi atau lama / usang seperti telefon bimbit, komputer, televisyen, mesin basuh, peti sejuk dan pendingin hawa.</p>

<p>3. Bagaimanakah untuk memudahkan rakyat beza barangan e-waste dengan sisa yg lain?</p>	<p>E-waste merupakan barangan elektronik yang sudah rosak berbeza dengan sisa buangan yang lain yang tidak mempunyai komposisi-komposisi bahaya. E-waste mengandungi bahan berbahaya seperti plumbum, kadmium, merkuri, arsenik, kromium, biphenyl polychlorinated dan lain-lain. Sekiranya e-waste dibuang sesuka hati seperti ke tapak pelupusan sampah, sungai atau melakukan aktiviti pembakaran, bahan kimia toksik akan dilepaskan sehingga memberi kesan kepada alam sekitar (udara, tanah, air) dan kesihatan manusia. E-waste juga mengandungi logam berharga seperti emas, tembaga, palladium dan perak yang mempunyai nilai kitar semula yang tinggi.</p>
<p>4. Bagaimana cara utk melupuskan barangan e-waste ini?</p>	<p>Untuk memastikan pelaksanaan sistem pengurusan e-waste yang lestari, pengguna/ penjana buangan (orang awam) adalah bertanggungjawab untuk melupuskan e-waste ke peruncit, pengumpul yang berdaftar atau kemudahan pemerolehan kembali yang dilesenkan sahaja.</p> <p>Orang awam adalah disarankan untuk menghantar e-waste dari isi rumah ke mana-mana pusat pengumpulan yang berdaftar atau kemudahan pemerolehan</p>

	<p>kembali yang dilesenkan oleh Jabatan Alam Sekitar.</p>
<p>6. Bagaimana peranan Jabatan Alam Sekitar untuk memberi kesedaran e-waste ini?</p>	<p>Peranan JAS adalah dalam bentuk pendidikan dan penguatkuasaan seperti kami bertanggungjawab untuk memberikan ceramah dan menjalankan aktiviti kemasyarakatan yang melibatkan lapisan masyarakat khususnya di labuan untuk mendedahkan kepentingan kitar semula e-waste ini.</p>
<p>7. Difahami 5 ogos ini ada program e-waste. Boleh tuan jelaskan.</p>	<p>Pada 5 Ogos 2023, bertempat di Dewan Homestay Kg Sungai Labu WP Labuan kita akan mengadakan PROGRAM SINERGI LABUANFM E-WASTE “GO GREEN” ANJURAN JABATAN PENYIARAN WP LABUAN dengan kerjasama Jabatan Alam Sekitar Labuan dimana kutipan e-waste akan dijalankan dan orang ramai dijemput untuk hadir dan berpakat untuk menghantar sisa e-waste mereka sekaligus berkesempatan untuk memenangi cabutan bertuah.</p>
<p>4. Kenapa perlu menguruskan e-waste secara mesra alam?</p>	<p>E-waste kini telah menjadi masalah di seluruh dunia. Semakin banyak barangan elektrik dan elektronik yang dihasilkan, semakin banyak juga e-waste yang perlu dibuang/diuruskan. Jika E-waste dibuang tanpa menggunakan kaedah yang mesra alam seperti buang</p>

	<p>ke dalam sungai, ke tapak pelupusan, membakar secara sesuka hati atau diberikan kepada pihak yang tidak sepatutnya, e-waste ini berupaya untuk membahayakan kehidupan, menjejaskan kesihatan kita dan menyebabkan kemerosotan kualiti alam sekitar.</p> <p>Berdasarkan kajian, dijangkakan sebanyak 24.5 juta unit E-waste akan dihasilkan di Malaysia menjelang tahun 2025.</p>
<p>5. Bagaimana cara untuk menghantar e-waste?</p>	<p>(i) secara sendiri dengan menghantarnya terus ke pusat pengumpulan e-waste yang berdaftar dengan JAS atau kemudahan pemerolehan kembali yang dilesenkan oleh JAS; atau</p> <p>(ii) menghubungi mana-mana pusat pengumpulan yang menawarkan servis pengambilan e-waste dari rumah.</p> <p>Bagi mendapatkan maklumat lanjut mengenai servis pengambilan e-waste atau insentif yang ditawarkan oleh pusat pengumpulan, orang awam juga boleh berhubung dengan pusat-pusat pengumpulan tersebut bagi mendapatkan maklumat lanjut.</p>
<p>10. Apakah harapan tuan terhadap program yang kita adakan ini?</p>	<p>Sebelum itu, saya mengucapkan syabas dan tahniah atas inisiatif Jabatan</p>

	<p>Penyiaran Labuan dalam mengadakan aktiviti kesedaran sebegini.</p> <p>Harapan saya adalah akan lebih banyak lagi program kesedaran yang dapat dijalankan dengan kerjasama agensi-agensi pada masa hadapan demi memberi pengajaran kepada masyarakat akan pentingnya usaha menjaga alam sekitar dan tanggungjawab kita di atas muka bumi ini.</p> <p>Saya juga berharap agar aktiviti yang akan dijalankan sabtu ini berjalan dengan lancar dan menyeru orang ramai untuk bersama-sama turun padang menyertai aktiviti pengumpulan e-waste ini.</p>
--	---